

楚

寶

楚寶卷十三

明 梁谿高世泰彙旂文鑒定

湘潭後學周聖楷輯纂

長沙莊天桂較訂

諫諍

鬻拳

鬻拳楚大關楚文王十四年冬巴人伐楚十五年春
楚子禦之、大敗于津、還鬻拳弗納、遂伐黃、敗黃師于
踏陵、還及湫、有疾、夏六月庚申卒、鬻拳葬諸夕室、亦

自○殺○也○而○葬○于○經○皇○初○鬻○拳○強○諫○楚○子○弗○從○臨○之○以○
兵○懼○而○從○之○鬻○拳○曰○吾○懼○君○以○兵○罪○莫○大○焉○遂○自○刎○
也○楚○人○以○爲○大○聞○謂○之○大○伯○使○其○後○掌○之○君○子○曰○鬻○
拳○可○謂○愛○君○矣○諫○以○自○納○于○刑○刑○猶○不○忘○納○君○于○善○
方○正○學○曰○鬻○拳○以○兵○諫○王○而○自○刎○左○氏○稱○之○爲○愛○
君○余○謂○不○然○君○臣○之○際○固○有○常○道○矣○賢○者○之○事○君○
不○爲○違○道○之○行○以○危○身○不○爲○難○繼○之○事○以○駭○世○順○
其○常○不○徼○異○名○守○其○職○使○後○可○法○如○斯○而○已○不○敢○
僥○倖○以○圖○志○之○必○達○事○之○必○成○也○故○君○有○過○舉○則○

積誠以諫、三諫而不從、則避其位而去之、安可臨之、以兵、脇之以威、而刳其君哉、語之而不聽、則誓懼之、咄咤之、俾不敢肆、此制嬰兒之術耳、烏有北面事君、而以嬰兒視之哉、先王立爲上下尊卑之分、俾爲臣者嚴守之、而不敢僭、所以杜亂也、馬之在原野、三尺牧豎鞭之、而無罪、及加羈勒、而入君之閑、雖國之貴臣不敢視其齒、而蹴其芻、豈誠重馬哉、尊其爲君之所御也、齒馬蹴芻、細故也、先生所以嚴爲之禁者、其慮天下深矣、況以兵刳其君

者乎、或謂君爲非義、則將危社稷、大臣以安社稷、爲心行權、以格君、宜若無罪焉、是豈得爲權哉、事固有可以行權者矣、然賢者猶難之、若君臣父子之分、天下之大經也、父暴而違道、子烏可行權而諄父乎、舜聖人也、瞽瞍頑夫也、舜視其父之惡、夔夔然順之、不敢見於色、設於辭、舜豈不欲格父哉、盡子之道、而使父化、乃所以格父也、紂之暴可謂甚矣、箕子紂之戚、微子紂之兄、二子皆賢人也、至親且賢、事暴君而不敢失人臣之禮、或屈而爲奴、

或待其亡而去之、二子豈不知社稷重於君乎、終不忍刳其君者、知君臣之大經、重於社稷也、鬻拳之君雖有過、非紂之甚、鬻拳爲臣、非若二子之親且賢、乃忍刳其君而不顧、蓋激於小忠而不知大義者也、焉得爲愛君乎、君子之于奪人、將以法戒於後世、不可苟也、刳君而謂之曰愛君、將使奸臣亂賊、欲行篡弑之事者、皆挾愛君之名、以自文其禍、後世可勝道哉、然固左氏啓之也、聖楷曰、先儒有言、臣不怠身、不爲忠、言不逆耳、不

爲○諫○鬻○拳○以○兵○諫○正○與○漢○薛○廣○德○欲○自○刎○以○血○汗○
車○輪○事○同○范○甯○輩○誤○解○臨○之○以○兵○懼○而○從○之○二○語○
遂○謂○拳○欲○以○兵○加○其○君○爲○悖○逆○之○行○豈○有○是○理○哉○
且○拳○楚○同○姓○也○始○而○強○諫○自○刎○繼○而○爲○關○又○激○其○
君○轉○敗○爲○功○而○自○殺○其○情○必○有○萬○不○得○已○者○不○然○
何○自○苦○若○此○故○君○子○深○痛○其○兵○諫○之○非○正○而○又○不○
得○不○出○于○兵○諫○者○其○心○有○足○悲○焉○爾○謂○之○愛○君○豈○
云○過○乎○

徐申

徐申爲楚太葆申其名也。荆文王得茹黃之狗，宛路之殯，以畋於雲夢。三月不反，得丹之姬淫，其年不聽朝。徐申曰：先王卜以臣爲葆，吉。今王得茹黃之狗，宛路之殯，畋三月不反，得丹之姬淫，其年不聽朝。王之罪當笞。王曰：不穀免衣纁緇而齒於諸侯，願請變更而無笞。徐申曰：臣承先王之令，不敢廢也。王不受笞。是廢先王之令也。臣寧抵罪於王，毋抵罪於先王。王曰：敬諾。引席，王伏。徐申束紼，荆五十跪而加之於背。

如此者再謂王起矣王曰有管之名一也遂殺之申曰臣聞君子恥之小人痛之恥之不變痛之何益葆申趣出自流於淵請死罪文王曰此不穀之過也葆申何罪王乃變更召葆申殺茹黃之狗折宛路之婦放丹之姬後荆國兼國三十九令荆國廣大至於此者葆申之力也極言之功也

淮南子曰楚文王好服獬冠楚國效之

孔氏志怪曰楚文王少時雅好田獵天下快狗名鷹畢張焉有人獻一鷹曰非王鷹之傳俄而雲際

有一物，疑翔，飄飄鮮白，鷹見之，便竦翮而升，蠱若飛，電須臾，羽隨如雲，血灑如雨，有大鳥隨地而死，度其兩翅，廣一里許，喙邊有黃，衆莫能知，有博物者曰：此鵬雛也。始飛焉，故爲鷹所制。文王乃厚賞獻者。

聖楷按：楚文王立十五年內，止伐蔡，伐申，伐鄭，滅鄧，滅息，其後伐黃，歸而卒，所謂兼國三十九者，皆其後王事。

筦饒

筦饒楚大夫。初，楚文王有疾，告大夫曰：「筦饒犯我，以義違我，以禮與處，不安不見，不思然。吾有得焉，必以吾時爵之。」申侯伯，吾所欲者，勸吾爲之。吾所樂者，先我行之。與處則安，不見則思。然吾有喪焉，必以吾時遣之。大夫許諾，乃爵筦饒以太夫。贈申侯伯而行之。申侯伯將之。鄭王曰：「必戒之矣。」而爲人也不仁，而欲得人之政，毋以之。魯衛宋鄭不聽，遂之。鄭三年而得鄭國之政。五月而鄭人殺之。

聖指按筦饒劉向新序作筦蘇又楚文王作楚
王皆非也春秋僖七年書鄭殺其大夫申侯在氏
傳曰申侯申出也有寵於楚文王文王將死與之
璧使行曰唯我知女女專利而不厭予取予求不
女疵瑕也後之人將求多於女女必不免我死女
必速行無適小國將不女容焉既葬出奔鄭又有
寵於厲公子文聞其死也曰古人有言曰知臣莫
若君弗可改也已據此則新序之誤甚明

成公賈

成公賈，楚大夫也。莊王立三年，不聽而好讒。成公賈入諫，王曰：「不穀禁諫者，今子諫，何故？」對曰：「臣非敢諫也，願與君王讒也。」王曰：「胡不設不穀矣？」對曰：「有鳥止於南方之阜，三年不動，不飛，不鳴，是何鳥也？」王射之，曰：「有鳥止於南方之阜，其三年不動，將以定志意也。其不飛，將以長羽翼也。其不鳴，將以覽民則也。是鳥雖無飛，飛將冲天；雖無鳴，鳴將駭人。」賈出矣，不穀知之矣。明日朝，所進者五人，所退者十人，羣臣大說。荆

國之衆相賀也。

楚世家曰：莊王卽位，三年不出號令，日夜爲樂。令國中曰：有敢諫者，死無赦。伍舉入諫，莊王左抱鄭姬，右抱越女，坐鐘鼓之間。伍舉曰：願有進隱。曰：有鳥在於阜，三年不飛，不鳴，是何鳥也？莊王曰：三年不蜚，蜚將冲天；三年不鳴，鳴將驚人。舉退矣。吾知之矣。居數月，淫益甚。大夫蘇從乃入諫，王曰：若不聞令乎？對曰：殺身以明君，臣之願也。於是乃罷淫樂，聽政。所誅者數百人，所進者數百人，任伍舉，蘇

從以政國人大說

新序曰楚莊王蒞政三年不治而隱戲社稷危國將亡士慶問左右羣臣曰王蒞政三年不治而好隱戲社稷危國將亡胡不入諫左右曰子其入矣士慶入再拜而進曰隱有大鳥來止南山之陽三年不蜚不鳴不審其故何也王曰子其去矣寡人知之矣士慶曰臣言亦死不言亦死願聞其說王曰此鳥不蜚以長羽翼不鳴以觀羣臣之惑是鳥雖不蜚蜚必冲天雖不鳴鳴必驚人士慶稽首曰

所願聞已王大悅士慶之問而拜之以爲令尹授之相印

聖楷按三書所述讒語互有異同當從呂氏爲確呂事秦莊襄王而採集六國時事以爲書其必有據若史記以爲伍舉尤謬伍舉伍參之子也楚莊王十七年戰于邲用參之謀以敗晉其後七年莊王卒子共王立三十一年卒子康王立十四年卒康王十三年伍舉以公子牟故奔晉令尹子木乃召復之又六年靈王弑夾敖伍舉始爲大夫於楚

計去莊王戰邲之時已五十八年矣。安得莊王立三年而伍舉卽秉政也。史之不足信如此。况他載紀小說尤多附會。是在好學深思者自擇之耳。

讒語考

劉勰諸讒篇曰：讒者，隱也。遜辭以隱意，譎譬以指事也。咎還社求拯於楚師，喻晉非而稱麥麴，叔儀乞糧於魯人，歌佩玉而呼庚癸，伍舉刺荆王以大鳥，齊客譏薛公以海魚，莊姬託辭於龍尾，臧文謬書於羊裘。隱語之用，被於紀傳，大者興治濟身，其

次。彌。違。曉。惑。蓋。意。生。於。權。譎。而。事。出。於。機。急。與。夫。
詩。辭。可。相。表。裏。者。也。漢。世。隱。書。十。有。八。篇。歆。因。編。
文。錄。之。歌。末。云。

蘇從

蘇從楚大夫也。莊王立爲君三年，不聽朝，乃令於國曰：寡人惡爲人臣而遽諫其君者。今寡人有國家，立社稷，有諫則死，無赦。蘇從曰：處君之高爵，食君之厚祿，愛其死而不諫其君，則非忠臣也。乃入諫。莊王立鐘鼓之間，左伏楊姬，右擁越姬，左綢衽，右朝服，曰：吾鼓鐘之不暇，何諫之聽？蘇從曰：臣聞之，好道者多資，好樂者多迷。好道者多糧，好樂者多亾。荆國亾無日矣。死臣敢以告王。王曰：善。左執蘇從手，右抽陰刀，刎

鐘鼓之懸明日授蘇從爲相

聖楷按說苑又載諸御已諫楚莊王云吳不用子
胥而越并之此是楚昭王以後事相去百餘年何
得出諸御已口中其僞不待辨也楚檮杌原足僞
書故載此事或後人無識妄編入說苑中夫非劉
子政初本今不取

優孟

優孟者，故楚之樂人也。長八尺，多辨，常以談笑諷諫。楚莊王之時，有所愛馬，衣以文繡，置之華屋之下，席以露牀，嚼以棗脯。馬病肥死，使羣臣喪之，欲以棺槨大夫禮葬之，左右爭之以爲不可。王下令曰：「有敢以馬諫者，罪至死。」優孟聞之，入殿門，仰天大哭。王驚而問其故。優孟曰：「馬者，王之所愛也，以楚國堂堂之大，何求不得，而以大夫禮葬之？薄請以人君禮葬之。」王曰：「何如？」對曰：「臣請以彫玉爲棺，文梓爲槨，楸、楓、楸、椶。」

爲題湊發甲卒爲穿墳老弱負土齊趙陪位於前韓
魏翼衛其後廟食太牢奉以萬戶之邑諸侯聞之皆
知大王賤人而貴馬也王曰寡人之過一至此乎爲
之奈何優孟曰請爲大王六畜葬之以糠糲爲椁銅
歷爲棺齋以薑棗薦以木蘭祭以粳稻衣以火光葬
之於人腹腸於是王乃使以馬屬太官無令天下父
聞也楚相孫叔敖知其賢人也善待之病且死屬其
子曰我死汝必貧困若往見優孟言我孫叔敖之子
也居數年其子窮困負薪逢優孟與言曰我孫叔敖

之子也。父且死時，屬我貧困，往見優孟。優孟曰：「若無遠有所之，卽爲孫叔敖衣冠，抵掌談語，歲餘像孫叔敖。楚王左右不能別也。」莊王置酒，優孟前爲壽。莊王大驚，以爲孫叔敖復生也，欲以爲相。優孟曰：「請歸與婦計之。」三日而爲相。莊王許之。三日後，優孟復來。王曰：「婦言謂何？」優孟曰：「婦言慎無爲楚相，不足爲也。如孫叔敖之爲楚相，盡忠爲廉，以治楚楚，王得以霸。今死其子，無立錫之地，貧困負薪以自飲食，必如孫叔敖不如自殺。」因歌曰：「山居耕田苦，難以得食。起而爲

吏身貧、鄙者、餘財不顧、恥辱身死、家室富、又恐受賕、枉法爲姦、觸大罪、身死而家滅、貧吏安可爲也、念爲廉吏、奉法守職、竟死不敢爲非、廉吏安可爲也、楚相孫叔敖持廉至死、方今妻子窮困、負薪而食、不足爲也、於是莊王謝優孟、乃召孫叔敖子封之、寢丘四百戶以奉其祀、後十世不絕、此知可以言時矣、

梁谿漫志曰、史記載優孟事、人頗疑之、費補之曰、予嘗游浮光、叔敖卽是魏期思縣人也、期思今廢爲鎮、予得漢延熹中所立碑書、是事微有不同、云

饒病甚臨卒將無棺槨令其子曰優孟曾許千金
貸吾孟楚之樂長與相君相善雖百千金實不負
也卒後數年莊王置酒以爲樂優孟乃言孫君相
楚之功既慷慨高歌涕泣數行下投首王王心感
動覺悟問孟孟具列對卽求其子而加封焉子辭
父有命如楚不怠臣社稷圖而欲有賞必於潘
國下濕堯堯人所不食遂封潘鄉卽因始也而所
載歌絕奇曰貪吏而可爲而不可爲廉吏而可爲
而不可爲貪吏而不可爲者當時有汙名而可爲

者○子○孫○以○家○成○廉○吏○而○可○爲○者○常○時○有○清○名○而○不○
可○爲○者○子○孫○困○窮○披○褐○而○賣○薪○食○吏○常○苦○富○廉○吏○
常○苦○貧○獨○不○見○楚○相○孫○叔○敖○廉○潔○不○受○錢○味○其○詞○
語○憤○世○疾○邪○含○思○哀○怨○過○於○慟○哭○比○之○史○記○所○書○
遠○甚○聽○者○安○得○不○感○動○也○歐○陽○公○集○古○錄○謂○微○斯○
碑○後○世○遂○不○復○知○叔○敖○名○饒○又○謂○碑○亦○罕○傳○余○以○
集○錄○二○十○年○間○求○之○博○且○勤○乃○得○之○云○云○
聖○楷○曰○孫○叔○敖○一○名○爲○艾○獵○乃○楚○同○姓○爲○賈○之○子○
左○傳○甚○明○其○封○地○予○於○寢○丘○考○亦○詳○辨○之○今○按○漢○

延熹碑所載歌詞果勝史記且無衣冠抵掌之事
俱近理但云叔敖名饒又似後人妄傳如楚狂接
輿名陸通之類也而歐陽公信之不疑何也昔劉
原父敘私謂所親曰好個歐九極有文章但可惜
不甚讀書耳王介甫亦譏其不學豈其然哉
楊太史慎曰優孟爲孫叔敖衣冠抵掌談語莊王
大驚以爲叔敖復生欲以爲相劉子玄譏之曰人
心不同有如其面非由倣效俾有遷革又况叔敖
之歿時日已久豈有一見無疑遽欲加於寵榮復

其祿位者哉予按此傳以滑稽名乃優孟自爲窮
言云欲復以爲相亦優孟自言如今人爲戲發科
打諢之類豈可眞以爲王欲復相之事乎此說
亦通

白公子張

白公子張楚大夫也。霸王立，求逞於諸侯，又亟暴於國人，甚患之。白公子張驟諫，王恐其直也，謂史老曰：「吾欲已子張之諫，若何？」對曰：「用之實難，已之易矣。若諫君，則曰：『余左執鬼，中右執殤宮。』」殤宮，中身也。殤，謂把其祿籍制，服其身也。凡百箴諫，吾盡聞之矣。寧聞他言？白公又諫王如史老之言，對曰：「昔武丁之神明也，其聖之膚廣也，其知之不疚也，猶自謂未乂。故三年默以思道，既得道，猶不敢專制，使以象旁求聖人，既得以爲

輔又恐其荒失遺忘故使朝夕規諫箴諫曰必交修
余無余藥也今君或者未及武丁而惡規者不亦難
乎齊桓晉文皆非嗣也還軫諸侯不敢淫逸心類德
音以得有國近臣諫遠臣謗與人誦以自誥也是以
其人也四封不備一同而至於有畿田以屬諸侯至
於今爲令君桓文皆然君不度憂於二令君而欲自
逸也無乃不可乎周詩有之曰弗躬弗親庶民弗信
臣懼民之不信君也故不敢不言不然何急其以言
取罪也王病之曰子復語不穀雖不能用吾愁暗寘

之於耳。對曰：賴君之用也。故言不然。巴浦之犀，羣毛
兇象，其可畫乎？其又以規爲璣也？王不能用，遂趨而
遇。歸杜門，不出。七月有乾谿之亂，霸王經而先。

聖楷曰：楚虔弑麇以立，三年大會諸侯於申。晉叔
向、鄭子產、宋向戌皆諸侯之良也，而獻禮焉。此莊
王之所未遑也。乃不務修德，凶淫以逞，滅陳而縣
其國，誘殺蔡侯，般用隱太子于岡山，伐吳，伐徐，師
無寧日。旣落章華之臺，又築乾谿之地，是時棄疾
在蔡，羣怨在下，禍機將發。故白公子張不得不驟。

諫之也。然驟諫之不聽。則又諫之。又諫之。不聽。則
急趨而退。杜門不出。何其忠且智也。且其諫也。敏
其法。武丁以納誨。法極文。以令終意。迫切而辭不
激。王卽惡而無所加罪。若白公子張者。可爲後世
諫暴君之法矣。

芋尹文

芋尹文者，荆之歐、鹿、麋者也。司馬子期獵於雲夢，載旗之長，拖地。芋尹文拔劍齊軫而斷之。貳車抽弓，於軾，援矢於箚，引而未發也。司馬子期伏軾而問曰：「吾有罪於夫子乎？」對曰：「臣以君旗拽地，故也。國君之旗，齊於軫，大夫之旗，齊於軾。今子荆國有名大夫而滅三等文之，斷也不亦可乎？」子期悅，載之王所。王曰：「吾聞有斷子之旗者，其人安在？」吾將殺之。子期以文之言告王，悅，使文爲江南令而大治。

聖楷曰古命百官箴王闕不廢虞人今文爲滅三等而斷大夫之旗豈非獸臣之矯矯者乎當是楚昭王遷都以後事故其大小臣工相與警惕以有爲如此

莊辛

莊辛楚人諫楚襄王曰君王左州侯右夏侯、輦從鄢
陵君與壽陵君、專淫逸侈靡而怠國政、鄢郢都必危矣、
襄王曰先生老悖乎、將以爲楚國妖祥乎、莊辛曰臣
誠見其必然者也、非敢以爲國妖祥也、君王卒幸四
子者、不衰楚國必亡矣、臣請避於趙、淹留以觀之、莊
辛去之趙、留五月、秦果舉鄢郢、巫山、蔡、陳之地、襄王
流、揜於成陽、於是使人發騶微莊辛於趙、莊辛至襄
王曰寡人不能用先生之言、今事至於此、爲之奈何、

莊辛對曰。見兔而顧犬。未爲晚也。亡羊而補牢。未爲遲也。臣聞昔湯武以百里昌。桀紂以天下亡。今楚國雖小。絕長續短。猶以數千里。豈特百里哉。王獨不見夫蜻蛉乎。六足四翼。飛翔乎天地之間。俛啄蚩蚩而食之。仰承甘露而飲之。自以爲無患與人無爭也。不知夫五尺童子。方將調饴膠絲。加已乎四仞之上。而下爲螻蟻食也。夫蜻蛉其小者也。黃雀因是以俯囓白粒。仰栖茂樹。鼓翅奮翼。自以爲無患。與人無爭也。不知夫公子王孫。左挾彈。右攝丸。將加已乎十仞之

上以其類爲招。晝游乎茂樹。夕調乎酸醎。倏忽之間。墜於公子之手。夫雀其小者也。黃鵠因是以游乎江。海淹乎大沼。俯噍鱗鯉。仰喙陵衡。以奮其六翮。而凌清風。飄搖乎高翔。自以爲無患。與人無爭也。不知夫射者方將修其器。廬治其矰繳。將加已乎百仞之上。被剗利礮。引微繳。折清風。而扞矣。故晝游乎江河。夕調乎鼎鼐。夫黃鵠其小者也。蔡靈侯之事。因是以南。游乎高陂。北陵乎巫山。飲茹溪之流。食湘波之魚。左抱幼妾。右擁嬖女。與之馳騁乎高蔡之中。而不以國。

家爲事不知夫子發方受命乎霸王繫已以朱絲而見之也蔡霸侯之事其小者也君王之事因是以左州侯右夏侯釐從鄢陵君與壽陵君飯封祿之粟而載方府之金與之馳騁乎雲夢之中而不以天下家國爲事而不知夫穰侯方受命乎秦王填黽塞之內而投已乎黽塞之外襄王聞之顏色變作身體戰慄於是乃以執珪而授之爲陽陵君與謀秦復取淮北之地

元和姓纂曰莊辛楚莊王之後以謚爲號

說苑曰楚王問莊辛曰君子之行奈何莊辛對曰
居不爲垣墻人莫能毀傷行不從周衛人莫能累
害此君子之行也楚王復問君子之富奈何對曰
君子之富假貸人不德也不責也其食飲人不使
也不役也親戚愛之衆人喜之不肖者事之皆欲
其壽樂而不傷于患此君子之富也楚王曰善
又曰襄成君始封之日衣翠衣帶玉劍履縞鳥立
於遊水之上楚大夫莊辛過而說之遂造託而拜
謁起立曰臣願把君之手其可乎襄成君忿作色

而不言莊辛選延盟手而稱曰君獨不聞夫鄂君
子皙之汎舟於新波之中也乘青翰之舟張翠蓋
之華會鐘鼓之音畢榜枻越人擁楫而歌曰今夕
何夕兮寒洲中流今日何日兮得與王子同舟蒙
羞被好兮不訾詬恥心幾頑而不絕今得知王子
山有木兮木有枝心說君兮君不知於是鄂君子
皙乃櫓修袖行而擁之舉繡被而覆之鄂君子皙
親楚王母弟也官爲令尹爵爲執珪一榜枻越人
猶得交歡盡意焉今君可以踰於鄂君子皙臣獨

何以不若磅、樵之人。願把君之手。其不可何也。襄成君乃奉手而進之曰。吾少之時。亦嘗以色稱於長者矣。未嘗遇僂如此之卒也。自今以後。願以壯少之禮。謹受命。

聖楷按楚世家。襄王十九年。秦伐楚楚。軍敗。割上庸、漢北地予秦。二十年。秦將白起拔我西陵。二十一年。秦將白起遂拔我郢、燒夷陵。楚襄王兵散。遂不復戰。東北保於陳城。二十二年。秦復拔我巫黔中。罷莊辛。白起反楚。當在此時。二十三年。襄王乃

取東地兵得十餘萬復西取秦所拔我江旁十五
邑以爲肥距秦此復取淮北之地爲辛之策無疑
也若夫諷諫引喻之妙于蔡靈侯則曰繫之以朱
絲而見之于襄王則曰投已于鼃塞之外明是以
楚蔡二君等之蜻蛉黃雀不足與有爲也但其豈
語婉而善入諸而近理故襄王不覺其傾聽耳嗟
乎蜉蝣之羽翼衣裳楚楚心之憂矣於我歸處其淮
辛之謂乎

周章

周章字次叔、南陽隨人也。初仕魏爲功曹時、大將軍
竇憲免封冠軍侯、就國。章從太守行春到冠軍、太守
猶欲謁之。章進諫曰：「今日公行春、豈可越儀私交？且
憲椒房之親、勢傾王室。而還就藩國、禍福難量。明府
剖符大臣、千里重任。舉止進退、其可輕乎？」太守不聽。
遂便升車、章前拔佩刀絕馬鞅。於是乃止。及憲被誅、
公卿以下多以交關得罪。太守幸免。以此重章。舉孝
廉。六選爲五官中郎將。延平元年爲光祿勳。永初元

年代魏霸爲太常其冬代尹勤爲司空是時中常侍鄭衆蔡倫等皆秉勢豫政章數進直言初和帝崩鄧太后以皇子勝有痼疾不可奉承宗廟貪殤帝孩抱養爲己子故立之以勝爲平原王及殤帝崩羣臣以勝疾非痼意咸譴之太后以前旣不立恐後爲怨乃立和帝兄清河孝王子祐是爲安帝章以衆心不附遂密謀閉宮門誅車騎將軍鄧騭兄弟及鄭衆蔡倫刦尙書廢太后於南宮封帝爲遠國王而立平原王事覺勝策免章自殺家無餘財諸子易衣而出并日

而食。

范曄曰。孔子稱可與立。未可與權。權也者。反經者也。將從反常之事。必資非常之會。使夫舉無違安。志行名全。周章身非負圖之託。德乏萬夫之望。王無絕天之慶。地有旣安之勢。而創慮於難圖。希功於理絕。不已悖乎。如令君罷易以下議。卽斗筭必能叨天業。則狂夫駿臣亦自奮矣。孟軻有言曰。有伊尹之心。則可無伊尹之心。則寡矣。於戲。方來之人。戒之哉。

董允

董允字休昭，掌軍中郎將和之子也。先主立太子，允以選爲舍人，徙洗馬。後主襲位，遷黃門侍郎，丞相亮將北征，往漢中，慮後主富於春秋，朱紫難別，以允秉心公亮，欲任以宮省之事。上疏曰：「侍中郭攸之、費禕、侍郎董允等，先帝簡拔以遺陛下。至於斟酌規益，進盡忠言，則其任也。愚以爲宮中之事，事無大小，悉以咨之，必能裨補闕漏，有所廣益。若無興德之言，則戮允等以彰其慢。」亮尋請禕爲參軍，允遷爲侍中，領虎

黃中郎將統宿衛親兵攸之性素和順備員而已獻
納之任允皆專之矣允處事爲防制甚盡匡救之理
後主常欲采擇以充後官允以爲古者天子后妃之
數不過十二今嬪嬙已具不宜增益終執不聽後主
益嚴憚之尚書令蔣琬領益州刺史上疏以譏費禪
及允又表允內侍歷年翼贊王室宜賜爵土以褒勳
勞允固辭不受後主漸長大愛宦人黃皓皓便僻佞
慧欲自容入允常上則正色匡主下則數責於皓皓
與允不敢爲非終允之世皓位不過黃門丞允常與

尙書令費禕中典軍胡濟等共期游宴嚴駕已辨而
郎中襄陽董恢詣允修敬恢年少官微見允停出遂
巡求去允不許曰本所以出者欲與同好游談也今
君已白屈方展濶積舍此之談就彼之宴非所謂也
乃命解駟禕等罷駕不行其守正下士凡此類也延
熙六年加輔國將軍七年以侍中守尙書令爲大將
軍費禕副貳九年卒
華陽國志曰時蜀人以諸葛亮蔣琬費禕及允爲
四相一號四英也

費祿別傳曰黃允代祿爲尚書令欲學祿之所行
旬日之中事多愆滯允乃歎曰人才能相懸若此
甚遠此非吾之所及也聽事終日猶有不服爾

楊顒

楊顒字子昭、楊儀宗人也、入蜀爲巴郡太守、丞相諸葛亮主簿、亮嘗自校簿書、顒直入諫曰、爲治有體、上下不可相侵、請爲明公以作家譬之、今有人使奴執耕稼、婢典炊爨、雞至司晨、犬主吠盜、牛負重載、馬步遠路、私業無曠、所求皆足、雍容高枕、飲食而已、忽一日盡欲以身親其役、不復付任、勞其體力、爲此碎務、形疲神困、終無一成、豈其智之不如奴婢雞狗哉、失爲家主之法也、是故古人稱坐而論道、謂之三公、作

而行之。謂之士大夫。故郗吉不問橫道死人而憂牛喘。陳平不肯知錢穀之數。云自有王者。彼誠達於位分之體也。今明公爲治。乃躬自校簿書。流汗竟日。不亦勞乎。亮謝之後。爲東曹屬典選舉。卒亮垂泣三日。時零陵賴玄爲丞相西曹令史。隨諸葛亮於漢中。黃天亮甚惜之。與張裔。蔣琬書曰。令史失賴玄。掾屬喪楊顒。爲朝中損益多矣。

水經注曰。襄陽蔡洲大岸西有洞湖。停水數十畝。長數里。廣減百步。水色常綠。楊儀居上洞。楊顒居

下洞與蔡洲相對在峴山南廣昌里

襄陽耆舊傳曰蔡瑁字德珪性豪自喜少爲魏武所親家在蔡洲上屋宇甚好四墻皆以青石結角婢妾數百人別業四五十處漢末諸蔡最盛永嘉末其家猶富宗族甚強共保于洲上

聖楷按劉表時瑁爲江夏郡竟陵太守鎮南將軍仕魏封漢陽亭侯是時襄陽諸蔡諸習皆盛族而又多寓公俊傑之士相與往來姻婭隆中之幽邃習池之爽豁綠洞翠峴泛舟褰裳白沙魚梁望衡

梨

對○字○何○得○不○動○人○卜○居○偕○隱○之○想○每○誦○十○畝○之○章○
爲○之○增○慨○

楚寶卷十四

明 梁鉉高世泰彙旃父鑒定

湘潭後學周聖楷輯纂

長沙黃學良較訂

諫諍

劉洎

劉洎字思道，荊州江陵人。初爲蕭銑黃門侍郎，南畧地嶺表，下五十城，未還而銑敗，遂以城自歸，授南康州都督府長史。貞觀七年，擢給事中，封清苑縣男，轉

治書侍御史於時尚書省詔敕稽察按成復下彌年
不能決洎言尚書萬機本貞觀初未有令僕職併務
繁左丞戴胄右丞魏徵應事彈舉無所回撓百司虔
肅不敢懈比者勳親在位品非其任功勢相傾本欲
自彊先權置謗故郎中嘿奪惟事咨稟尚書依違不
得專裁管轄玩弛綱紀不振今宜精選左右丞兩司
郎中使皆得人非惟救曠滯之弊固當矯拂趨競也
未幾拜尚書右丞洎健於職於是尚書復治如徵時
累加銀青光祿大夫散騎常侍攝黃門侍郎太宗好

持論與公卿言古今事必往復難詰究藏否洎諫曰
帝王之與臣庶聖哲之與庸愚等級遠絕勢不倫擬
故課愚對聖持卑抗尊雖思自彊不可得已陛下降
慈旨假柔顏虚心聽納猶恐羣臣惴縮不敢進况以
神機天辨飾辭援古而進其議哉夫天以無言爲尊
聖以不言爲德皆弗欲煩也且多記損心多語耗氣
心氣內損形神外勞初雖無覺久且爲弊且今之雍
平陛下力行所至耳欲求長久匪由辨博但常忘愛
憎慎取捨若貞觀初則可矣詔答曰非慮無以臨下

非言無以述慮。雖然。驕人輕物。恐由權論致之。若形神心氣不爲勞也。皇太子初立。洎謂宜尊賢重道。上書曰。太子宗祧。是繫善惡之習。典在焉。弗勤於始。將悔於末。故量錯上書。令通政。術賈諡奏記。務知禮教。今太子孝友仁愛。挺自天姿。然春秋鼎盛。學當有漸。以陛下多才多藝。尚垂精厲志。以博異聞。而太子優游坐棄。白日陛下。每退朝。引見羣臣。訪以今古。咨以得失。而太子處內。不接正人。不聞正論。臣所未諭。古者問安而退。以廣敬也。異宮而處。以遠嫌也。聞者

太子一入侍、逾旬不出、師傅察案具員而已、非所謂
愛之也、臣愚以爲、授以良書、娛以佳賓、使耳所未聞
睹所未見、儲德愈光、羣生之福也、帝於是救洎與岑
文本、馬周、遞日直東宮、帝嘗怒苑西監穆裕有詔斬
朝堂、皇太子驟諫、帝喜曰、朕始得魏徵、朝夕進諫、徵
亡、劉洎、岑文本、馬周、褚遂良、繼之、兒在吾膝前、見朕
悅諫、熟矣、故有今日言也、誠習以性成哉、稍遷侍中
帝忽謂羣臣曰、朕今欲聞已過、卿等爲朕言之、長孫
無忌、李勣、楊師道、同辭對曰、陛下以盛德致太平、臣

等愚不見其過。洎曰：然。項上書有不稱。青或面帝詰。無不羞汗。恐非所以進言者。路帝曰：卿言善。朕能改之。及征遼東。詔兼太子左庶子。檢校民部尚書。輔皇太子監國。帝曰：以卿輔太子。社稷安危在焉。宜識朕意。洎曰：願無憂。即大臣有罪。臣謹按法誅之。帝怪其語。謬戒曰：君不密則失臣。臣不密則失身。卿性疎而果。恐以此敗。洎與褚遂良不相中。帝還不豫。洎與馬周入候。出見遂良。泣曰：上體患癰。殊可懼。遂良即誣奏。洎曰：國家不足慮。正當輔少主。行伊霍事。大臣有

異者誅之。帝愈召洎問狀。洎引馬周爲左。遂良執不
已。帝惑之。乃賜死。方死時。索筆牘。欲自言。有司不敢
與。帝後知之。有司皆得罪。顯慶中。其子弘業詣闕訴
遂良譖死狀。李義府右之。高宗問近臣。給事中樂彥
瑋曰。辨之。是。暴先帝過。刑事寢。文明初。詔復官爵。
新唐書贊曰。劉洎之才。之烈。易所謂王臣蹇蹇者。
然性剛。疏輔太子。欲身任安危。以言掩其宸爲媚。
忌所乘。卒陷罪。誅。嗚呼。以太宗之明。蔽於所忿。洎
之忠。不能自申於上。況其下哉。古人以言爲戒。可。

不○慎○歟○

通鑑考異曰實錄云黃門侍郎褚遂良誣奏洎有
輔少王行伊霍之語洎遂及罪按此事中人所不
爲遂良忠直之臣且素無怨仇何至如此蓋許敬
宗惡遂良故修實錄時以洎死歸咎於遂良耳
聖楷按太宗嘗謂褚遂良曰卿知起居注朕有不
善卿亦記之耶對曰臣職當載筆不敢不記黃門
侍郎劉洎曰借使遂良不記天下亦皆記之上曰
誠然又太宗嘗自評諸臣曰劉洎性最堅貞有利

益然其意尚然諸私於朋友馬周見事敏速性甚
真正論量人物直道而言朕比任使多能稱意褚
遂良學問稍長性亦堅正每寫忠誠親附於朕觀
此遂良與周洎三人所謂信友獲上德奇不違也
豈有相譖以死之事乎溫公不取實錄良是又
按尚書故實云唐太宗嘗召三品以上官賜宴于
玄武門帝操筆作飛白書賜羣臣咸乘酒就帝手
中相競劉洎登御牀引手然後得之其不得者咸
稱洎登牀罪當死請付法太宗笑曰昔聞姚弋仲
辭

輩今見常侍登牀此亦可想其君臣相遇之隆也
卒以性疎而敗惜哉

俞文俊

俞文俊、荊州江陵人、唐武后垂拱二年九月己巳、雍
州新豐縣露臺鄉、大風雨震電、有山湧出、高二十丈、
有池、周三百畝、池中有龍鳳之形、禾麥之異、武后以
爲休應、名曰慶山、俞文俊上書、天氣不和而寒暑併、
人氣不和而疣贅生地、氣不和而地阜出、今陛下以
女主處陽位、反易剛柔、故地氣塞隔、而山變爲災、陛
下謂之慶山、臣以爲非慶也、臣愚以爲、玄側身修德、
以答天譴、不然、恐殃禍生矣、言怒流于嶺南、後爲六

道使所殺

聖楷曰俞文俊以布衣上書力詆慶山之非可謂
有識有膽惜其生平無所考見荊州志亦不載此
人特表著之

慶山考

程大昌曰武后改新豐爲慶山縣其說謂時因雷
雨踊出一山故取以爲名初不言其詳此卽在位
小人共加傳會也改兩京道里志曰慶山踊出初
時六七尺漸漸高至三百尺則是積力爲之自六

七尺。日。日。累。增。至。三。百。尺。非。一。夜。雷。雨。頓。能。哭。兀。
如。許。也。此。爲。人。力。所。成。大。不。難。見。聖。楷。按。以。災。
爲。慶。其。爲。諛。佞。易。見。惟。昔。人。共。載。之。符。瑞。如。黃。河。
清。之。類。亦。多。有。不。驗。者。併。附。記。之。以。俟。特。識。漢。桓。
帝。之。世。河。水。清。至。兼。句。郭。璞。曰。大。河。之。質。黃。濁。數。
千。里。而。不。可。澄。清。者。也。凡。物。反。常。爲。妖。濁。而。忽。清。
猶。地。而。出。堆。阜。山。而。沸。泉。湧。非。所。當。有。變。異。之。象。
也。故。裴。楷。言。自。古。未。有。河。清。者。後。世。乃。以。爲。大。慶。
君。臣。動。色。載。于。年。號。著。于。邑。名。形。于。歌。詠。紀。于。史。

入。諂。媚。又。有。以。海。清。爲。賀。者。不。亦。異。之。甚。乎。
激。薄。沙。泥。渾。污。之。處。則。萬。里。停。滯。未。嘗。濁。也。而。倏。
牒。不。亦。異。乎。至。若。大。海。朝。宗。衆。流。自。非。並。洋。風。水。

唐介

唐介字子方江陵人。父拱卒漳州。州人知其貧，餽錢以贖介。尚幼，謝不取。擢進士第，爲武陵尉，調平江令。吏評民李貴殺人祭鬼，岳守捕之，備極楚掠。介訊之，無他驗。守怒，白于朝，遣御史方偕別鞠之。與介同守，以下獲罪，偕受賞。介未嘗自言。改知莫州，任丘縣。逮使往來驛，吏以誅索破家爲苦。介坐驛門，禁之，皆帖伏。以去，沿道塘水歲溢，浸田中人。楊懷敏至，欲割邑西十一村地，渚漲潦，介築堤扞之。民以爲利，通判

德州轉運使崔嶧取庫絹配民而重其估。介留牒不下。且移安撫司責數之。嶧怒。數馳檄按詰。介不爲動。旣而果不能行。入爲監察御史。乘行轉殿中侍御史。啓聖院造龍鳳車。內出珠玉爲飾。介言。此太宗神御所在。不可。聖瀆。後宮奇靡之。耑不宜過制。詔亟毀去。張堯佐驟除宣徽節度。景霧羣牧四使。介與包拯、吳奎等力爭之。又請中丞王舉正留百官班廷論奪其。二使無何復除宣徽使。知河陽。介謂同列曰。是欲與宣徽而假河陽爲名耳。不可。但已也。而同列依違介。

獨抗言之仁宗謂曰除擬本出中書介遂劾宰相立
彥博守蜀曰造間金奇錦緣閣侍通宮掖以得執政
今顯用堯佐益自固結請罷之而相富弼又言諫官
吳奎表裏觀望語甚切直帝怒却其奏不視且言將
違竄介徐讀畢曰臣忠憤所激鼎鑊不避何辭於謫
帝急召執政示之曰介論事是其職至謂彥博由妃
嬪致宰相此何言也進用冢司豈應得預時彥博在
前介責之曰彥博宜自省卽有之不可隱彥博拜謝
不已帝怒益甚梁適叱介使下殿修起居注蔡襄趨

楚寶

八

進○救○之○。貶○春○州○別○駕○。王○舉○正○言○以○爲○太○重○帝○旋○悟○明○
日○取○其○疏○入○改○置○英○州○而○罷○之○。博○相○吳○奎○亦○出○又○慮○
介○或○道○死○有○殺○直○臣○名○命○中○使○護○之○。梅○堯○臣○李○師○中○
皆○賦○詩○激○美○由○是○直○聲○動○天○下○士○大○夫○稱○眞○御○史○必○
曰○唐○子○方○而○不○名○數○月○起○監○郴○州○稅○通○判○潭○州○知○復○
州○召○爲○殿○中○侍○御○史○遣○使○賜○告○趣○詣○闕○下○入○對○帝○問○
曰○卿○遷○謫○以○來○未○嘗○以○私○書○至○京○師○可○謂○不○易○所○守○
矣○介○頓○首○謝○言○事○益○無○所○顧○他○日○請○曰○臣○旣○任○言○責○
言○之○不○行○將○固○爭○爭○之○重○違○陛○下○願○得○解○職○換○工○部○

員外郎直集賢院爲開封府判官出知揚州徙江東
轉運使御史吳中復言介不宣久居外文彥博再當
國奏介向所言誠中臣病願如中復言然但徙河東
久之爲度支副使進天章閣待制復知諫院帝自至
和後臨朝淵默介言君臣如天地以交泰爲理願時
發德音以勤萬幾又論宮禁干丐恩澤之命不由中
書宜有以抑絕賜官嬪之費多先朝時十數倍日加
無窮且有所腹損監司薦舉多文法小吏請令精選
端良敦樸之士毋使與儉薄者同進諸路悉馬丞麥

擾罷縣可罷勾造以權歸監司。充國公主夜開禁門，
宣勅宿衛主吏以嚴宮省，帝悉開納之。御史中丞韓
絳劾宰相富弼弼家居求罷，絳亦待罪。介與王洵論
絳以危法中傷大臣，絳罷。介嫌於右宰相，請外以知
荆南勅過門下，知銀臺司何刻封還之，留權閣封尉。
旋以論罷，陳升之亦出知洪州。加龍圖閣直學士，河
北都轉運使樞密直學士知瀛州。治平元年復召爲
御史中丞。英宗謂曰：「卿在先朝有直聲，故用卿。非繇
左右介曰：『臣無狀，陛下過聽。願獻愚忠，自古欲治之

王亦無求絕世俗之術要在順人情而已祖宗遺德
餘烈在人未遠願覽已成之業以爲監則天下蒙福
矣明年以龍圖閣學士知太原府帝曰朕視河東不
在中執法下暫煩卿往耳夏人數擾代州邊多築堡
境上介遣兵悉撤之移諭以利害遂不敢動神宗立
以三司使召熙寧元年拜叅知政事先時宰相尙闕
所進文書於待漏院同列不得聞介謂曾公亮曰身
在政府而文書弗與知上或有所問何辭以對乃與
同視後遂爲常帝欲用王安石公亮因薦之介言其

楚實

不

難大位。帝曰：文學吏事經術不可任耶？對曰：安石好學而泥古，故論議迂濶。若使爲政，必多所變更。退謂公亮曰：安石果用天下，必因擾諸公。常自知之中書，常進除目，數日不決。帝曰：常問王安石，介曰：陛下以安石可大用，卽用之，豈可使中書政事決於翰林學士？臣近每聞宣諭某事，問安石可卽行之，不可不行。如此則執政何所用？恐非信任大臣之體也。必以臣爲不才，願先罷免。安石旣執政，奏言：中書處分劄子，皆稱聖旨，不中理者十八九，宜止。令中書出牒，帝憚

然介曰背寇準用劄子遷馮拯訴之太宗謂前代中書用堂牒乃權臣假此爲威福太祖時以堂帖重於勅命遂削去之今復用劄子何異堂帖張洎因言廢劄子則中書行事別無公式太宗曰大事則降勅其當用劄子亦須奏裁此所以稱聖旨也如安石言則是政不自天子出使輔臣皆忠賢猶爲擅命苟非其人豈不害國帝以爲然乃止介自是數與安石爭論安石強辨而帝至其說介不勝憤痕發背薨年六十介爲人簡伉以敢言見憚每言官缺衆皆望介處之

觀其風采神宗謂其先朝遺直故大用之然居政府
遭時有爲而扼於安石少所建明聲名戒於諫官御
史時比疾亟帝臨問流涕復幸其第弔哭以爲像不
類命取禁中舊藏本賜其家贈禮部尚書謚曰質肅
子淑問義問孫恕

言行錄曰仁宗貶唐介嶺南遣中使賜介金又畫
其像置之便殿

自警編曰唐質肅公以言事謫潭州倅時有一巨
賈私藏蚌胎爲關吏所搜太守而下輕其估悉自

售焉及分珠獄發奏方入仁宗謂近侍曰唐介必不肯買案具奏復覽之果然又曰王荆公與唐質肅公同爲叅知政事議論未嘗少合荆公雅愛馮道以其能屈身安人如諸佛菩薩之行一日於上前語及此事介曰道爲宰相易四姓事十至此得爲純臣乎荆公曰伊尹當五就湯五就桀者志在安人而已豈可亦謂之非純臣也質肅曰有伊尹之志則可荆公爲之變色其論議不合而多致相侵率如此

湘山錄曰唐質肅公一日向政府歸語諸子曰吾
備位政府知無不言桃李固未嘗爲汝等栽培而
荆棘則甚多矣然汝等竊達莫不有命惟自勉而
已

老學菴筆記曰唐質肅公恭禪得法於浮山遠禪
師嘗作贈僧詩云今日是重陽勞師訪野堂相逢
又無語籬下菊花黃

聖楷曰介貶英州時挈家渡淮至中流大風舟幾
覆介獨賦詩云聖宋非狂楚清淮異汨羅平生仗

忠信今日任風波既而得濟又續之云舟楫顛危
甚魚龍山没多斜陽幸無事沽酒聽漁歌管入處
變者多矣如此正性定力未易造也嘗歎彥博爲
宰相介爲諫官其立朝之奇節易見安石爲學士
介爲宰相其爲國之深慮難知卒之安石相而新
法行宋自此多事矣杜鵬聲豈非先兆哉以此見
介之力諍非得已也

唐介墓考

按介墓在江陵縣龍山今廣西興安縣亦有龍山

乃介先世之丘壠也。大宣山碑載之甚詳。曾能始撰廣西名勝志。疑其爲介之墓。又引解縉過全州詩云。唐介墳前江水聲。爲證。此亦有理。但介生于江陵。卒於京。卽何由復遠塋興安。或興安人慕介之品。因以龍山名其先世之墓。而後人遂訛指爲介之墓也。不可不辨。

唐淑問

唐淑問字士憲舉進士至殿中丞神宗以其家世擢
監察御史裏行諭以謹家法大體淑問見帝初卽位
銳于治因言中旨數下一出特斷當謹出納別枉直
使命令必行今詔書求直言而久無所施用必欲屈
羣策以起治道願行其言初詔侍臣講讀淑問言帝
王之學不在章句飾文辭稽古聖人治天下之道歷
代致興王之由延登正人博訪世務以求合先王則
天下幸甚河北饑流人就食京師官振廩給食來者

不止。淑問曰：出宿不繼，是誘之失業而就死地也。條三策上之。滕甫爲中丞，淑問力數其短。帝以爲違名，乃詔避其父。三司使出通判復州。久之，知真州，提點湖北刑獄。言新法不便，乞解事。黜知信陽軍，以病免。數年起知宣州，徙湖州，入爲吏部員外郎。又引疾求外。帝以爲避事，降監撫州酒稅。哲宗立，司馬光薦其行，已有恥，召爲左司諫，以病致仕數月卒。

聖楷曰：滕甫字元發，在宋稱賢臣，而淑問與孫覺俱言其短，亦是春秋責備賢者之意。

吳中復

吳中復字仲庶興國永興人吳舉之子也登宋進士及第初授峨嵋令遷土溪祠盛中復悉廢之廉於居官代還不載一物通判渾州御史中丞孫抃初未之識薦爲監察御史或問之抃曰昔人恥爲呈身御史今豈有識面臺官耶遷殿中侍御史劾宰相梁適仁宗問中復曰唐自天寶後治亂分何也中復歷引崇璟九齡林甫國忠用舍以對適罷中復亦通判處州未至復還臺富弼至李仲昌聞六漯河內臣劉恢密

告所斷岡與國姓上名同賈昌朝陰助之欲以搖動
詔中復往治促行甚急中復言獄起奸臣非盛世所
宜有馳至較其名乃趙征村也亦無岡勢獄以故得
止又彈宰相劉沆沆罷改右司諫同知諫院遷史知
雜事戶部副使擢天章閣待制知潭州瀛州移河東
都轉運使進龍圖閣直學士知江寧府郵兵苦巡轄
官苛刻繫而鞭之獄具法不至死中復以便宜戮首
惡流其餘入奏爲令歷成德軍成都府永興軍河北
行青苗法使者至將先下州縣中復曰歛散自有斲

今先事擾之何也。拒不聽。且以報安撫使韓琦。琦方疏諫青苗錄其語以上。熙寧併省罷邑。以永康爲縣。中復。永康控威茂。不可廢。其後因夷亂。竟復之。會關內大旱。民多流亡。中復請加賑恤。執政惡之。遣使往視。謂爲不實。削一階。提舉玉隆觀。起知荆南。未幾卒。中復樂易簡約。多周人急士人稱之。

聖楷按皇祐中詔委御史中丞孫抃舉御史。抃舉太常博士吳中復。或云公平生不識中復。何由知之。抃曰。聞中復知犍爲縣。廢淫祠以禁民之非。聞

河灘以通民之利。又嘉州舊產紫竹、楠、櫟、木等。
任於蜀者，競採之以爲器。民甚苦之。中復作嘉陽
四詠詩以悼之。及替還舟中，並不載。嘉陽一物，其
愛民清謹如此。使之立朝，必不苟且。管人恥爲呈
身御史。今我豈薦識面臺官。遂除殿中侍御史。本
傳似太畧。

鄭獬

鄭獬字毅夫，安州安陸人。少負俊材，詞章豪整，流輩莫敢望。初試，圖丘象天賦，登進士第一。通判陳州，入直集賢院，度支判官。修起居注，知制誥。英宗卽位，治永昭山陵，悉用乾興制度。獬言：「今國用空乏，近者賞軍已見橫歛，富室嗟怨，流聞京師。先帝節儉愛民，蓋出天性。凡服用器玩，極於朴陋。此天下所共知也。而山陵制乃欲效乾興最盛之時，獨不傷儉德乎？」願飾有司，損其名數。又言：「天子初卽位，羣國馳表稱賀，例

官其人此出五代餘習因仍未改今度官猥衆充溢
銓育况前日羣臣進官已布維新之澤不須行此以
開僥倖皆不報又上疏言陛下初臨御恭默不言所
以恭政者七八大匠而已焉能盡天下之聰明哉願
申詔中外許令盡言有可采錄召與之對至於近臣
不時見訪以得失虞心求之必能有益治道帝嘉納
之時詔諸罷黜遺逸之士至則試之秘閣命以官
頗有謬舉者衆論喧譁旋即廢罷卿言古者薦士拔
十得五猶得其半况今所失未至於五而遽以浮言

廢之可乎。願復此科。使豪俊無遺滯之歎。未及行。出知荆南。治平中大水。求言。擢上疏。陛下側身思咎。念有以消復之。不知求忠言者。將欲用之。邪。抑但舉故事。邪。觀前世之君。因變異以求諫。甚衆。及考其實。則能用其言而載於行事者。亦鮮矣。今詔發天下忠義之士。必有極其所韞。以薦諸朝。百萬機務。未能盡覽。不過如平時下之中書察院。至於無所行而後止。如是。則與前世之爲空言者。等爾。謂密選官置屬。掌所上章。兩府近臣。從容講貫。可則行之。否則罷之。有疑。

楚寶

焉○則○廣○詢○而○求○之○羣○臣○得○而○衆○事○舉○此○應○天○之○寶○也○
天○下○之○進○言○也○甚○難○而○上○之○受○言○也○常○忽○願○陛○下○采○
羣○臣○之○章○疏○容○而○聽○之○史○冊○大○書○以○爲○某○年○大○水○詔○
求○直○言○用○某○人○之○辭○而○求○某○事○無○令○徒○掛○牆○壁○爲○虛○
文○而○已○還○判○三○班○院○神○宗○初○獬○上○奏○曰○如○欲○省○任○子○
莫○若○先○擇○賢○凡○任○子○已○補○欲○出○身○仕○者○從○其○所○能○而○
試○之○或○以○一○經○或○以○禮○學○或○以○法○律○或○以○文○辭○武○臣○
則○試○武○伐○或○以○策○畧○每○歲○二○月○集○於○有○司○如○試○進○士○
武○舉○法○差○官○糊○名○較○實○中○程○乃○任○仕○如○此○則○得○仕○者○

必少而所取者材子弟。各相勉強於學。又有勸焉。如
有不能文。墨而獨可以才幹者。則請家試一人。此所
以盡人之能。而且不絕其世祿也。至於俱無能焉。則
終身不得仕。又何憾焉。臣又以為臣下至病。既不欲
去者。顧祿而已。至不得已。乃求宮觀。留臺監權。是終
無去意。臣欲乞分司致仕。官其俸。皆勿奪。俾終其身。
病。既者。有所養。則必有相引而去。彼居閭里。待次累
年。俸錢亦不絕也。縣官何惜一二千錢。畀之以禮。引
退。且有優遇。老臣之恩。至于貪賦酷吏。一有所犯。此

可終身勿令仕茲亦有省官之術焉臣誠不欲陛下
初卽位德澤未及宣究而遽有刻薄之更制此臣所
惜也如臣議可采欲乞付中書與衆論定其可者焉
三年知開封府獬又奏曰陛下聰明好問繇逮訪於
下多言者或以此譽臣此接譽也當其進言時陛下
何不使條臣所行之事彼必窮而無對設使有其實
則陛下亦當深察之然後以爲信今臣無是而陛下
遽信之如有以臣不肖而毀之者陛下亦必聽之矣
何則善惡之來不考其實旣容妄譽亦必容妄毀此

臣不敢喜而有懼也。伏願陛下高視遠矚，毋牽私言，使天下知毀譽之不能亂政，則非獨臣之願，實天下之願。辨又奏曰：日者陛下陞黜大臣，出於獨斷，二府不得與謀，中外聞風，皆震動。伊鬱之士，至有通夕不寐，拊髀而起者。以爲自天禧以來，五六十一年間，未有此等事。管堯之聖猶曰：知人惟帝，其難之自堯而後愈爲難矣。今賢不肖赧然以進，深情厚貌，言與行違。陛下雖聰明，焉能探其肝膽而辨其真僞乎？辨莫若試之。凡其所長者，宜從其長而用之；用之以效羣臣。

以爲然未也。大臣以爲然亦未也。陛下察之見其有
效。然後賞之。賞罰明而入自勸。雖堯舜不踰於此。既
用其賢矣。時以不肖者參焉。旣用其智矣。時以愚者
參焉。於是黑白淆亂。邪正倒置。則天下事去矣。符者
秦始皇自侈以爲天下無賢。及漢祖之起。蕭張韓彭
乃秦之棄士也。隋煬帝自大以爲天下無賢。及唐宗
之起。房杜英衛乃隋之棄士也。今天下之廣。豈乏賢
者。惟無棄士以資後人幸矣。然陛下旣得士。安用其
所長。在三司。宜擇錢穀之吏。升京兆。宜擇通政事之

臣在御史宣擇強毅之臣在侍從宣擇文學通古今
之臣如此則才盡其所蘊而官宿其所業天下之事
不舉者未之有也故舜之命夔典樂則不復典禮命
禹作司空則不復作司徒命稷播農則不復作士以
夔禹之賢而不能兼二事又以庸庸之材而欲兼天
下之任可乎故今世不爲官擇人而爲人擇官惟履
踐之多則爲大臣不問其治與不治此天下所以不
治也今天下士如有自薦或因大臣所舉且試召之
使論其事而觀其蘊然後命之以職試其所爲如此

則人焉瘦哉。是歲召解少對內東門。命草吳奎知青
州。及張方平趙鼎參政事。三制賜雙燭。送歸舍。入院。
外廷無知者。遂拜翰林學士。朝廷議納橫山。解曰。兵
禍必起於此。已而种諤取綏州。解言竊見詔深戒邊
臣。無得生事。今乃特用變詐之臣。務爲掩襲。如戰國
暴君之所尚。豈帝王大器哉。諤擅興兵。嘗誅又請因
諫。雜告哀。遣使立其嗣子。識者避之。權發遣開封府
民諭典與妻謀殺一婦。解不肯用。按問新法。爲王安
石所惡。出爲侍讀學士。知杭州。御史中丞呂誨乞還。

之○不○聽○未○幾○徙○青○州○方○散○青○苗○錢○獬○言○但○見○其○害○不○
忍○民○無○罪○而○陷○憲○網○引○疾○祈○間○提○舉○鴻○慶○官○卒○年○五○
十○一○家○貧○子○弱○其○柩○槨○殯○僧○屋○十○餘○年○滕○甫○守○安○州○
乃○克○塋○

陳氏書錄解題曰皇祐五年廷試園丘象天賦時
獬與滕甫俱有場屋聲甫賦首曰大禮必簡園丘
自然自謂人莫能及獬賦但倒二字曰禮大必簡
丘園自然甫聞之大服果居其次云獬著有鄧溪
集五十卷

夢溪筆談曰鄭毅夫自負時名國子監以第五人
送意甚不平謝至司啓事有李廣事業自謂無雙
杜牧文章止得第五之句又云騏驥已老什駕馬
以先之巨鼇不勸因頌石之在上至司深銜之他
日廷策至司復爲考官必欲黜落以報其不遜有
試業似獬者枉遭斥逐旣而發考卷則獬乃第一
人及第

孫公談圃曰鄭毅夫未第時夢浴池中化爲大龍
池邊小兒數十拍手呼爲龍公來旣覺猶見其尾

曳牀閒卒于安州十年貧不克塋滕元發爲程一
日夢毅夫來但見轎中一白龍身首卽毅夫也元
發因出俸營窆

老學菴筆記曰王荊公素不樂滕元發鄭毅夫曰
爲滕屠鄭酷然二公資氣豪邁殊不病其言毅夫
爲內相一日送客出郊過朱亥冢俗謂之屠兒冢
者作詩云高論唐虞儒者事賣交負國豈勝言憑
君莫笑金椎陋却是屠酷解報恩

張嶠

張嶠字巨山，襄陽人。宋徽宗宣和三年，上舍選中第，調唐州方城尉，改房州司刑曹。劉子羽薦於川陝宣撫使張浚，辟利州路安撫司幹辦公事。以母病去官。紹興五年，召對嶠，上疏金人去冬深涉吾地，王師屢捷，一朝宵遁，金有自敗之道，非我幸勝之也。今士氣稍振，乘其銳而用之，固無不可。然兵疲民勞，若便圖進，似未可遽。臣竊謂爲今日計，當築塢堡以守淮南之地，興屯田以爲久戍之資，備舟楫以阻長江之險。

以○我○之○常○待○彼○之○變○又○荆○襄○壽○春○皆○古○重○鎮○敵○之○侵○
軼○多○出○此○途○速○擇○良○將○勁○兵○戍○守○其○地○以○重○上○流○之○
勢○召○試○除○秘○書○省○正○字○六○年○地○震○嶠○奏○比○年○以○來○賦○
歛○繁○重○征○求○百○出○流○移○者○填○溝○壑○土○著○者○失○常○業○地○
震○之○異○殆○或○爲○此○願○深○思○變○異○之○由○修○政○之○闕○以○致○
民○之○安○七○年○遷○校○書○郎○兼○史○館○校○勘○再○遷○著○作○郎○嶠○
因○對○言○吳○蜀○唇○齒○之○勢○也○蜀○去○朝○廷○遠○今○無○元○帥○一○
年○矣○蜀○之○利○害○臣○竊○知○之○忠○勇○之○人○可○擇○外○侮○至○乎○
撫○循○斯○民○則○非○所○能○宣○于○前○宰○執○中○擇○其○克○任○川○事○

者委任之然川蜀繫國利害非腹心之臣不可今密
得一賢宣撫使爲要又言自駐蹕吳會以來未嘗以
襄陽荆南爲意今宜亟選儒臣有牧御之才者爲二
路帥使之招集散興農桑治城堡爲保固之資重
上流之勢旣而何掄之刊改神宗實錄得罪語連嶠
出爲福建路轉運判官上疏畧曰古之人君其患有
二不在於拒諫在納諫而不能用不在於不知天下
利害在知而不以爲意陛下渡江十年外有勦敵之
國內有驕悍之兵下有窮困無聊之民進言者多矣

皆以爲陳腐而別取新奇之說任事者衆矣皆習以爲當然而更爲迂濶之事此近於納諫而不知用知利害而不知恤也爲今之計非是二者不務數年之後庶其有濟有國之所惡者莫大於朋黨今一宰相用凡其所與者不擇賢否而盡用之一宰相去凡其所與者不擇賢否而盡逐之宜其朋黨之寢成也九年除司勳員外郎兼實錄院檢討金人叛盟上命兩省卿監郎曹各草檄以進獨取嶠所進者播之四方十年擢中書舍人升實錄院同修撰論王德用復宿

毫兩、罷乃擅退軍使、兵飛勢孤、金人獵獺授承宣防
禦、使何應罰而反、賞封還詞頭乞罷、已降轉官指揮
未幾、右正言万俟卨論、嶠爲侍從、日薦引非才、以酬
私恩、邊報始至、托疾家居、由是罷去、頃之起知衢州
除數文閣待制、爲政頗尙嚴酷、歲滿得請、提舉江州
太平興國宮、時方修好息兵、嶠作中興復古詩、以進
上將召用、會卒、年五十三、子昌時
直齊陳氏曰、嶠爲司勳郎官、金人再取河南、秦相
皇恐上章、引伊尹、善無常主、及周任不能者止之

文以自解、皦之筆也、秦德之遂擢修注掌制、而其具藁倉卒、誤以伊尹告太甲爲告湯、及周任之言爲孔子自言、時秘書省寓傳法寺、有書其門曰、聘任爲孔聖、太甲作成湯、秦疑諸館職爲之多被逐、然皦亦以答檜三折肱之語、謂其貳於已、無幾亦罷、

聖楷曰、張皦襄陽先化人、有巨山集三十卷、觀其所上諸疏、切中時務、頗有可采、旣而爲秦代筆、驟列清華名譽、頓減人故、患不知足、有如是哉、

湯壽

湯壽字君保，瀏陽人。淳熙十四年進士，調德安府學教授，轉三省樞密院架閣，遷國子博士。時召朱熹爲侍講，未幾辭，還朝廷從其請。予祠，壽上疏言熹以正學爲講官，四方願望其有啓沃之益。曾未踰時，輒聽其去，必駭物論。宣追召熹，還仍授講職。疏上不報。由是浸忤權相意，而壽之直聲亦大聞于時。歷官爲大理少卿，進直徽猷閣。卒，壽負直槩，與韓侂胄陳自強不合，故屢嗾言者中傷壽。生平奉祠閒居之日多於

剔歷其在禮官例掌三省奏記臨安大火寧宗遇災
避正殿中書三表請復不許尋屬辭務持大體不爲
阿曲言者撫其語涉訕上而朝廷實知其無他故起
復制詞有清風峻節之語嘗擇壻得蔣重珍後舉進
士第一

聖楷曰宋史稱湯壽立朝蹇諤蔣重珍自擢巍科
既居盛名之下而能樹立于當時可爲難矣按蔣
重珍字良貴無錫人嘉定十六年進士第一歷官
以刑部侍郎致仕初行都火應詔陳言其畧云昔

周勃今日握璽授文帝是夜卽以宋昌領南北軍
霍光今年定策立宣帝而明年稽首歸政今臨御
八年未聞有所作爲進退人才興廢政事天下皆
曰此丞相意一時恩怨雖歸廟堂異日治亂實在
陛下焉有爲天子爲人之至而自朝廷達于天
下皆言相而不言君哉天之所以火宗廟火都城
者殆以此臣所以痛心者九廟至重事如生存而
微小蚕大不防于火之未至宰相之居華屋廣袤
而焦頭爛額獨全于火之未然亦足以見人心陷

溺○知○有○權○勢○不○知○有○君○父○矣○他○有○變○故○何○所○以○使○
陛○下○自○視○不○亦○孤○乎○昔○史○浩○兩○入○相○才○五○月○或○九○
月○卽○罷○孝○宗○之○報○功○寧○有○窮○已○顧○如○此○其○亟○何○哉○
保○全○功○臣○之○道○可○厚○以○富○貴○不○可○久○以○權○也○上○讀○
之○感○動○

皮龍榮

皮龍榮字起霖一字季遠，醴陵人。淳祐四年進士，歷官三管吏部架閣文字，遷學諭，授諸王官大小學教授，兼資善堂直講。入對，請以改過之實易更化之名。一過改則一善著，百過改則百善融。遷秘書郎。陞著作郎，入對，因及其德秀崔與之名。龍榮曰：「今天下豈無廉者願陛下崇獎之以風天下，執賞罰之公以示勸懲。」帝以爲然。兼兵部郎中，差知嘉興府，召赴闕。遷右侍郎，官兼資善堂贊讀。又遷吏部員外郎，兼直講。

入對言忠王少學願陛下身教之於內帝嘉納景定
元年四月拜端明殿學士簽樞密院進封伯權叅知
政事兼太子賓客封壽沙郡公三年罷爲湖南安撫
使判潭州咸淳元年以舊職奉祠他日帝偶問龍榮
安在賈似道恐其召用陰諷湖南提刑李雷應劾之
雷應至官謁龍榮龍榮託故不出旣退又斥罵之或
以語雷應不能平遂疏其罪又謂每對人言有答擁
至尊於膝上之語詔徙衡州居住湖南提刑治衡州
龍榮恐不爲雷應所容未至而歿龍榮少有志畧精

于春秋學有文集三十卷性慷直似道當國不肯降
志又以度宗舊學卒爲似道所擯德祐元年復其官
致仕二年太府卿柳岳乞賜贈謚未及行而宋亡
聖楷曰史稱皮龍榮精于春秋南湖丁氏亦謂龍
榮負性伉直不諂似道是守經知宜也似道竊之
將致于死卽飲藥而終是適變知權也以予觀之
龍榮爲度宗舊官僚度宗旣承大統而似道又專
國政此不兩立之勢也龍榮惟有引身以退庶幾
能免乃復危行危言以自取殺身乎陽處父一於

剛而寧羸去之知其必及於禍也然而處父爲狐
夜姑所殺猶曰其君泄其言也龍榮之見窘于李
雷應也將誰咎哉犯小人之怒以發其不平之氣
而謂其適變知權吾未敢許

楚寶文苑論次

楚自鬻熊發忠敬和嚴之旨而後世始有子書倚相
讀墳典丘索之書而歷代始尊史學若夫離騷振南
國之風屈平詞賦爭光日月太極挾阮氏之秘廉溪
理學上接藝文靡不自我作祖以待來茲猗歟盛哉
天下文章莫大於楚豈復有憾焉者乎然予不能無
深慨者漢唐迄今江漢英靈鮮有貴仕故史家逸其
行事野乘因而失載其一二傳聞者又復流離鄉土
生卒難稽豈熊子遲慕之氣湘纍忠憤之感楚才晉

用有以開其先乎抑洞庭浩汗沐日浴月九疑二嶽
負嶺分天使造物洩而無餘鬼神忌而不惜乎不然
霧光一賦妖夢何憑江夏無雙鼎鉉何恡侍中開府
何仕非君何慈市之能辱何干將之虞折何黃陵詠
而殂禮何鹿門去而入越是皆天問所不能窮而草
木金石有同悲也嗟乎後之君子慎毋沾沾文人自
命先行其言庶幾免夫茲集雖統文苑端採騷流故
翰藻久著者錄其本傳姓字稍僻者間附遺篇以至
書畫詩僧亦皆收入使夫杜若江離與榲楠齊秀羽

毛齒革共珠璧爭輝是亦詞林之雅致文囿之殊觀也其他曰史曰子曰儒曰辭命曰典故雖同經國大異門庭各以其類區而別之著作之隆斯焉備矣述文苑第七凡四卷

文苑一

屈原	宋玉	景差
王逸	王延壽	黃香
劉珍	周不疑	李充
羅含	庾於陵	庾肩吾

劉之遴

文苑二

庾信

宗懷

柳詒

杜審言

杜易簡

劉孝孫

歐陽詢

席豫

李邕

杜甫

孟浩然

文苑三

岑參

裴旻潛

薛據

張子容

張繼

衛象

鮑防

朱放

戎昱

柳識

董挺

許渾

李羣玉

崔道融

曹松

劉棻

劉蛻

王璘

皮日休

胡曾

廖融

廖凝

懷素

齊己

文苑四

朱昂

夏侯嘉正

張景

張君房

魏泰

米芾

狄遵度

鄧忠臣

廖正一

潘大臨

林敏功

高荷

朱友仁

易元吉

王質

馮子振

王廷陳

孫空

吳國倫

袁宏道

袁中道

鍾惺

譚元春

楚寶文苑論次終